

Umsögn
Skotfélagið Markviss vegna 435. mál,
lagafrumvarp -vopnalög- bogaeign
ungmenna.



Nefndasvið Alþingis
Allsherjar og menntamálanefnd Alþingis
Vopnalög Bogfimi ungmenna
435. mál, lagafrumvarp
152. löggjafarþing 2021–2022

Dags: 09.03.2022

Skotfélagið Markviss fagnar þingmannafrumvarpi um bogaeign ungmenna og þakkar fyrir þetta frumkvæði. Tillögur þingmanna eru í samræmi við óskir Íþróttafélaga sem hafa lengi reynt að fá lögum og reglugerðum um bogaeign breytt, en því miður hingað til með litlum áhuga yfirvalda, hvort sem er að ræða Dómsmálaráðuneyti eða Allsherjar og Menntamálanefnd Alþingis. Markviss þykir þó frumvarp þingmanna ekki ganga nógu langt og sé því aðeins um að ræða smá plástur í átt til samræmis við norðurlöndin

Bogi og ör er ekki túlkað sem vopn í t.d reglum ESB/EES en samt eru þau túlkuð sem vopn hér á landi og ekki hefur verið vilji til að breyta þrátt fyrir að verið sé að koma í gegn reglulega breytingum samkvæmt uppfærðu regluverki ESB. Markviss hefur þótt þessi afstaða yfirvalda orka tvímælis og í miklu ósamræmi við þau lönd Evrópu sem við viljum bera okkur saman við með ýmsa hluti og er þar einna helst að nefna norðurlöndin. Á norðurlöndunum þá gilda engar reglur um boga og ör. Þar geta allir keypt án leyfis/skráningar óháð aldri, boga, örvar og örvaodda burtséð hvert aflu boganna er og hver notkunin er: Æfing, keppni, veiði eða bara hafa gaman. Í þessum löndum þá er ekkert eðlilegra en að taka boga og ör með sér í sumarbústaðin eða í ferðalagið.

Núverandi fyrirkomulag 31. gr. vopnalaga kemur í veg fyrir að ungmenni geti stundað og keppt í bogfimi jafnfætis jafnöldrum í öðrum löndum Evrópu þar sem engar hömlur eru á dragþyngd einstaklings til að eiga boga og ör háð aldri.

En í raun þá er 30gr. F liður samt stærra vandamál að okkar mati. Gagnvart þeim lið þá hafa t.d starfsmenn Dómsmálaráðuneytis og Umhverfissráðuneytis verið að benda á hvort annað í 10-12 ár og hvorugur viljað gefa eftir sem og 14 grein reglugerðar vopnalaga vísar í.

Tillaga á breytingu á 30 gr. F lið.

f. lásboga, slöngubyssu eða önnur slík vopn.

Fella út

f. lásboga, langboga, slöngubyssu eða önnur slík vopn, svo og örvarodda. Þetta tekur þó ekki til boga sem ætlaðir eru til æfinga eða keppni í bogfimi.

Tillaga að breytingu á 31 gr.

31 gr. Öllum er heimilt að kaupa og eignast boga, örvar og örvaodda sem ætlað er til skemmtunar, æfinga, keppni og veiði án sérstaks leyfis, skráningu, afli og aldri. svo sem langboga, sveigboga og trissuboga.

Nái ofangreind 31 grein ekki að standa þá bætist við.

“Barni yngra en (16-18) ára má ekki selja eða afhenda örvaodda með meiri togkrafti en 7 kg eða oddhvassar örvar nema undir eftirliti lögráða einstaklinga eða forráðamanna.

Fella út

Barni yngra en 16 ára má ekki selja eða afhenda örvaodda með meiri togkrafti en 7 kg eða oddhvassar örvar.

Bent er á í skýringum við frumvarp til vopnalaga frá 1998 segir um 31. gr. að ákvæðið sé í **samræmi við gildandi reglur, að það þyki eðlilegt að setja tiltekin takmörk við kaupum barna á bogum sem kunna að hafa slíkan togkraft að sérstakri hættu geti valdið**. Núverandi lög, reglugerð og þessi texti sem er hér að ofan upphleyptur um bogaeign fullorðna og ungmenna á sér enga hliðstæðu á Norðurlöndum og né í öðrum löndum Evrópu. Í flestum löndum Evrópu eru engar hömlur á bogfimi eða bogaeign, bogum, örvum eða örvaoddum óháð notkun og eru norðurlöndin þar fremst í flokki.

Núverandi 14 gr reglugerð vopnalaga um bogaeign sem kveður á um skyldu aðild að íþróttafélagi innan ÍSí stenst ekki félagafrelsi og hafa mörg sambærileg dómsmál fallið þess efnis en samt hefur verið tregða til að fella hana út. Með þessum tillögum Markviss þá værum við að færa okkur nær því sem önnur lönd leyfa. En setjum aðeins strangari skilyrði á ungmenni 16 ára og yngri. En spurning hvort það standist jafnræðisregluna að skilyrða þetta eingöngu við 16 ára aldur þar sem allir að 18 ára aldri eru talin börn samkvæmt íslenskum lögum. Í samtöllum við vopnaleyfisdeild lögreglu þá hefur komi fram æskilegast sé að bogaeign fari úr vopnalögum eða verði breytt til samræmis við norðurlöndin eins og okkar tillögur kveða um. Núverandi lög hafa einnig í gegnum árin valdið fólki stórum vandræðum með að ferðast til annarra landa og til Íslands aftur. En innan Evrópu þá eru nær engar hömlur að ferðast með boga og ör í farangursrýmum flugvéla, og farþegarýmum skipa, lesta ofl þar sem við á. Nema þegar verið er að ferðast til og frá Íslandi.

Þessar Breytingar mundu leysa allan þann vanda sem lögin og reglugerð skapa í dag og núning á milli ráðuneyta. Og eru líka í samræmi við þær tillögur sem voru lagðar fram með frumvarpi til vopnalaga 2013 en fóru ekki í gegn vegna alþingiskosninga og voru í raun mikil vonbrigði að það frumvarp var sett á ís með nýrri ríkisstjórn og Dómsmálaráðherra.

Því hvetur Skotfélagið Markviss Allsherjar og menntamálanefnd til að taka frumvarp þetta til endurskoðunar til samræmis við þessar tillögur.

Fyrir hönd Markviss
Jón B. Kristjánsson
Formaður
baikal@simnet.is
[8691759](tel:8691759)